

PROVINCIA EBREDVNENSIS, SEV
ALPIVM MARITIMARVM.

EBREDVNVM Anton. in Itin. vulgò *Ambrun*. *Armentarius* huius Episcopus dicitur in Concilio Regensi, & *Ingenius* Ebredunensis Alpium Maritimarum Prouinciæ Metropolitanus in epist. quarta Hilari Papæ ad Leontium, Veranum, & Victurum Episcopos.

DINIA Ptol. lib. 2. cap. 10. vulgò *Digne*. *Pentadius* Diniensis Episcopus subscripsit Concilio Agathensi, & *Hilarius* Aurelianensi quinto.

CEMELENENSIS CIVITAS Hilario P. epist. 4. vulgò *Cimies*, non longè à Nicia. *Valerianus* huius Episcopus subscripsit Concilio Regensi. Postea eius sedes Episcopalis vnita est cum Nicaënsi. Et *Magnus* vtriusque Episcopus dicitur in subscriptionibus Concilij Aurelianensis quinti.

NICÆA Ptolem. lib. 3. cap. 1. vulgò *Nice*. *Amantius* huius Episcopus numeratur inter Episcopos Galliæ Legatos missos ad Aquileiense Concilium.

CIVITAS SANICIENSIVM dictæ Notitiæ Galliæ, vulgò *Senez*. *Marcellus* Saniciensis Episcopus subscripsit Concilio Agathensi, & *Simplicius* Aurelianensi quarto.

CIVITAS GLANNATINA eidem Notitiæ, vulgò *Glandene*. *Claudius* huius Episcopus subscripsit eidem Concilio Aurelianensi quarto, & *Basilius* Aurelianensi quinto.

CIVITAS VENCIENSIVM, id est Ventio, eidem Notitiæ, vulgò *Vence*. *Deuterius* eius sedis Episcopus subscripsit Concilij Aurelianensibus quarto & quinto, nequon Matisconensi secundo.

